

ԳԱՐԵԳԻՆ Բ ՎԵՆԱՓԱՌ ՆԱՅՐԱՊԵՏԻ ԿՈՆԴԱԿՈՎ

2003 ԹՎԱԿԱՆԸ ՆՈՉԱԿՎԵՑ

Ս. ԷԶՄԻԱԾՆԻ ՄԱՅՐ ՏԱՃԱՐԻ ՏԱՐԻ

(Հորեյանական փարվա առաջին Ուխտի Պատարագը Մայր Աթոռում)

Կիրակի, փետրվարի 2-ին, Մայր Աթոռ Սուրբ Էջմիածնում, հրնթացս Ս. Պատարագի, հանդիսավորապես ընթերցվեց Ն.Ս.Օ.Տ.Տ. Գարեգին Բ Ամենայն Հայոց Հայրապետի սրբապատ կոնդակը՝ նվիրված Մայր Տաճարի օծման 1700-ամյակին. Վեհափառ Հայրապետի կոնդակով 2003 հորեյանական փարին հռչակվեց Աստվածակառույց Ս. Էջմիածնի փարին:

Հայրապետական կոնդակն ընթերցեց Նոր Նախիջևանի և Ռուսաստանի թեմակալ առաջնորդ Ս. Եզրաս եպս. Ներսիսյանը: Կոնդակում (տե՛ս էջ 3), անդրադառնալով Ս. Էջմիածնի նվիրական խորհրդին, Նորին Սրբությունն իր ողջույնն է հղում Հայ Եկեղեցու Նվիրապետական Աթոռների գահակալներին, թեմակալ առաջնորդներին, հոգևոր դասին ու հավաքացյալ ժողովրդին և պարգամում ազգահավաք ու հայրենաշեն գործերով նշանավորել մեծ հորեյանը:

Նույն օրը Մայր Աթոռն ընդունեց հորեյանական փարվա անդրանիկ ուխտավորներին: Առաջին ուխտագնացներն Արմավիրի թեմի հավաքացյալներն էին՝ թեմակալ առաջնորդ Ս. Սիոն եպս. Ադամյանի, Արմավիրի մարզպետ Արեւրտ Հերոյանի և մարզի երեք քաղաքապետների գլխավորությամբ: Ս. Սիոն եպս. Ադամյանը մատուցեց առաջին Ուխտի Պատարագը: Ս. Պատարագից հետո Արմավիրի ուխտավորներին ընդունեց Վեհափառ Հայրապետը:

Հորեյանական փարվա առիթով Մայր Տաճարում Ուխտի Պատարագներ կմատուցվեն փարվա փարբեր կիրակիներին, երբ հայոց թեմերի առաջնորդները, քահանայից դասի և իրենց թեմերի ուխտավորների հետ, ուխտի կգան Մայրավանք:

ՄԱՅՐ ԱԹՈՒՍ Ս. ԷԶՄԻԱԾՆԻ
ՏԵՂԵԿԱՏՎԱԿԱՆ ՆԱՄԱԿԱՐԳ